

教學品第二 二十有九章

教學品者。導以所行。釋己愚闇得見道明。

咄哉何為寐 蝓螺蚌蠹類

隱弊以不淨 迷惑計為身

焉有被斫創 心如嬰疾痛

邁于眾厄難 而反為用眠

思而不放逸 為仁學仁迹

從是無有憂 常念自滅意

正見學務增 是為世間明

所生福千倍 終不墮惡道

莫學小道 以信邪見 莫習放蕩

令增欲意 善修法行 學誦莫犯

行道無憂 世世常安 慙學攝身

常慎思言 是到不死 行滅得安

非務勿學 是務宜行 已知可念

則漏得滅 見法利身 夫到善方

知利健行 是謂賢明 起覺義者

學滅以固 着滅自恣 損而不興

是向以強 是學得中 從是解義

宜憶念行 學先斷母 率君二臣

廢諸營從 是上道人 學無朋類

不得善友 寧獨守善 不與愚偕

樂戒學行 奚用伴為 獨善無憂

如空野象 戒聞俱善 二者孰賢

方戒稱聞 宜諦學行 學先護戒

開閉必固 施而無受 佞行勿臥

若人壽百歲 邪學志不善

不如生一日 精進受正法

若人壽百歲 奉火修異術

不如須臾頃 事戒者福稱

能行說之可 不能勿空語

是名善學

虛偽無誠信	智者所屏棄
學當先求解	觀察別是非
受諦應誨彼	慧然不復惑
被髮學邪道	草衣內貪濁
矇矇不識真	如聾聽五音
學能捨三惡	以藥消眾毒
健夫度生死	如蛇脫故皮
學而多聞	持戒不失
所願者得	學而寡聞
兩世受痛	喪其本願
常親多聞	安諦解義
稊稗害禾	多欲妨學
成收必多	慮而後言
法說義說	言而莫違
畏法曉忌	見微知者
遠捨罪福	務成梵行
	終身自攝
	善學無犯
	誠無後患
	雖困不邪
	夫學有二
	持戒不完
	兩世見譽
	持戒不守
	雖困不邪
	夫學有二
	持戒不完
	兩世見譽
	持戒不守